

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ
ԲՈՂՈՔՆԵՐ ՔՆՆՈՂ ԱՆՁ**

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲԱ-ԷՍ-2019/27, 21.02.2019թ.

Բողոք բերող անձ՝ «ԼՈԿԱՏՈՐ» ՓԲԸ

Պատվիրատու՝ Շնողի համայնքապետարան

Գնման ընթացակարգի ծածկագիրը և առարկան՝ ԼՄՇՀ-ԳՀԱՊՁԲ-19/03 ծածկագրով գնանշման հարցում / հակակարկտային կայանների ձեռքբերում.

Բողոքի պահանջը՝

1. Պարտավորեցնել Պատվիրատուին ընդունել որոշում, այն է՝ փոխել ԼՄՇՀ-ԳՀԱՊՁԲ-19/03 ծածկագրով գնանշման հարցման գնահատող հանձնաժողովի 14.02.2019թ. թիվ 1 որոշմամբ հաստատված հակակարկտային կայանների տեխնիկական բնութագիրը՝ վերացնելով նույն բողոքի 2-րդ գլխում նշված, ոչ անհրաժեշտ չափանիշները.

2. Կամ չկայացած հայտարարել ԼՄՇՀ-ԳՀԱՊՁԲ-19/03 ծածկագրով հայտատարված մրցույթի գնման ընթացակարգը:

Տեղեկացնում ենք, որ «Գնումների մասին» ՀՀ օրենքի՝

• 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Հայաստանի Հանրապետության գնումների
հետ կապված բողոքներ քննող անձ

Հասցե՝ ՀՀ, ք. Երևան, Մելիք-Ադամյան փող. 1

Բողոք ներկայացնող անձ՝

«ԼՈՒԿԱՏՈՐ» ՓԲԸ

Տնօրեն՝ Ա. Խաչատրյան

Հասցե՝ ՀՀ, Երևան, Արմենի 8, 169

Բանկային տվյալներ՝ «Կոնվերս Բանկ» ՓԲԸ

ՀՀ 1930011489910100

ՀՎՀՀ՝ 00095651

091200773, info@lucator.am

Պատվիրատու՝ center@lucator.am

ՀՀ, Լոռու մարզ, Ծնողի համայնքապետարան

Հասցե՝ ՀՀ, Լոռու մարզ, 2-րդ փողոց, շենք 4/3

**Գնման ընթացակարգի ծածկագիրը և
առարկան՝**

ՀՀ, Լոռու մարզ, Ծնողի համայնքի կարիքների
համար հակակարկտային կայանների ձեռքբերում
Ծածկագիր՝ «ԼՄՇՀ-ԳՀԱՊՁԲ-19/03»

ԲՈՂՈՔ

Հարգելի հանձնաժողով,

1. Բողոքի նախապատմությունը.

ԼՄՇՀ-ԳՀԱՊՁԲ-19/03 ծածկագրով գնանշման հարցման հանձնաժողովի 14.02.2019թ.
թիվ 1 որոշմամբ ՀՀ, Ծնողի համայնքապետարանի կողմից հայտարարվել է հրավեր (այսուհետ՝
Հրավեր)՝ Ծնողի համայնքապետարանի կարիքների համար՝ հակակարկտային կայանների
ձեռքբերման նպատակով:

«Լուկատոր» ՓԲ ընկերությունը (այսուհետ՝ Ընկերություն), չնայած նրան, որ
հակակարկտային կայաններ արտադրող ընկերություն է, չի մասնակցելու մրցույթին, քանի որ
Հրավերում նշված տեխնիկական բնութագիրը, մեր կարծիքով, համապատասխանեցված է
միայն Հայաստանի Հանրապետությունում հակակարկտային կայաններ արտադրող «Բարվա»
ՍՊ ընկերության հակակարկտային կայանների տեխնիկական բնութագրին, որով էլ կարծում

7388 - 13
26 02 19

ներ, սահմանափակվում է, ինչպես մեր, այնպես էլ այլ հակակարկտային կայաններ արտադրող ընկերությունների մասնակցության հնարավորությունը:

2. Բողոքի քննության համար էական նշանակություն ունեցող փաստերը

Քվնում ենք, որ սույն բողոքի քննության համար էական նշանակություն ունեն հետևյալ փաստերը.

Փաստ 1.

Ներարկվող վառելիքի քանակը՝ ոչ ավել 5գ:

Հրավերի տեխնիկական բնութագրով պահանջվել է կայանի գազի չափաբաժնի ներարկումը այրման խցիկ, ինչպես նաև այրման խցիկի օդափոխությունը պետք է իրականացվի հատուկ էլեկտրական օդանդիչի միջոցով, այրման խցիկը պետք է չունենա որևէ օդափոխության մեխանիկական փական, բացառելով արտաքին բոցի առաջացում:

Գազի ներարկիչը պետք է կահավորված լինի հատուկ հետադարձ փականով, բոցի հետդարձը գազաբաշխիչ համակարգ բացառելու նպատակով: Այդպիսի կայան Հայաստանի Հանրապետությունում արտադրում է միայն «Բարվա» ՍՊԸ-ը:

Փաստ 2.

Հակակարկտային կայանի հիմքը պետք է լինի մեկ ամբողջական 240սմ x 180սմ առնվազն 18սմ հաստությամբ երկաթբետոնե սալից, որը պետք է պատրաստված լինի 16.սմ հաստությամբ ամրանից հյուսված 20սմ x 20սմ շախմատածն 2 ցանցով, ցանցերի ռեռավորությունը մոմյանցից 10սմ, լցոնված B15 դասի բետոնով:

Փաստ 3.

Հակակարկտային կայանը պետք է ունենա թռչող օբյեկտների վրա ներազդման անվտանգության վերաբերյալ եզրակացություն:

Փաստ 4.

Հակակարկտային կայանը պետք է ունենա ՀՀ Ստանդարտների Ազգային հաստիտուտի կողմից հաստատված տեխնիկական պայմաններ:

Վերը նշված պայմաններին համապատասխանող տեխնիկական բնութագիր ունի միայն Հայաստանի Հանրապետությունում հակակարկտային կայան արտադրող «Բարվա» ՍՊ ընկերությունը:

Այդ փաստերը վկայում են այն, որ Պատվիրատուն ցանկանում է ձեռք բերել հակակարկտային կայան՝ արտադրված «Բարվա» ՍՊ ընկերության կողմից: Այսինքն, կարծում ենք, որ Պատվիրատուն Հրավերի տեխնիկական բնութագրով պահանջել է միայն «Բարվա» ՍՊ ընկերության կողմից արտադրվող Ձենիթ տեսակի հակակարկտային կայան:

3. Բողոքի իրավական հիմքերը և հիմնավորումները.

Գտնում ենք, որ մրցույթի հրավերում նշված տեխնիկական բնութագիրը չի համապատասխանում գնումները կարգավորող օրենսդրության պահանջներին, այդպիսի տեխնիկական բնութագրով սահմանափակվում է այլ հնարավոր մասնակիցների մասնակցությունը մրցույթին և որի հետևանքով կարող են խախտվել ինչպես Ընկերության, այնպես էլ ավելի որակյալ հակակարկտային կայան արտադրող այլ անձանց՝ ՀՀ օրենսդրությամբ նրաշխավորված իրավունքները, հետևյալ պատճառաբանությամբ.

«Գնումների մասին» ՀՀ օրենքի (այսուհետ՝ Օրենք) 13-րդ հոդվածի 2-րդ մասի համաձայն՝
**«Գնման առարկայի բնութագրերը՝
պետք է մրցակցության հավասար պայմաններ ապահովեն հնարավոր մասնակիցների համար.**

չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է փվյալ գնումը...»:

Ինչպես նշվել է սույն բողոքի 2-րդ մասում, գնման առարկայի բնութագրերը չի ապահովում մրցակցության հավասար պայմաններ հնարավոր մասնակիցների համար, քանի որ Պատվիրատուի կողմից պահանջվել է այնպիսի հակակարտային կայան, որն արտադրում է միայն «Բարվա» ՍՊ ընկերությունը, այսինքն տեխնիկական բնութագրում Պատվիրատուն գրել է «Բարվա» ՍՊ ընկերության կողմից տրված տեխնիկական բնութագիրը, որով էլ սահմանափակել է այլ հնարավոր մասնակիցների՝ մրցույթին մասնակցելու հնարավորությունը: Ասվածը հիմնավորվում է նաև նրանով, որ Պատվիրատուն գնման առարկայի բնութագրով պահանջել է այնպիսի բնութագրիչներ, որոնք կարող են լինել այլ տարբերակով և բավարարեն Պատվիրատուի պահանջները:

Օրինակ՝ սույն բողոքի 1-ին փաստում նշված պահանջով, կարծում ենք, որ Պատվիրատուն պետք է պահանջեր ոչ թե կոնկրետ անվտանգության համակարգ, այլ այնպիսի համակարգ, որն առհասարակ կբացառի արտաքին բոցի առաջացում, որը կարող է լինել ավելի արդյունավետ ու անվտանգ, որը սակայն, Պատվիրատուն հրավերի տեխնիկական բնութագրով սահմանափակել է և պահանջում է կոնկրետ մեկ տեսակի համակարգ, որին համապատասխանում է միայն մեկ ընկերության տեխնիկական բնութագիրը:

Նշված օրինակը վերաբերում է նաև Փաստ 2-ում նշած պահանջին:

Ինչպես նշվել է Փաստ 3 և 4-ում Պատվիրատուի կողմից պահանջված փաստաթղթերին, ապա հարկ ենք համարում նշել, որ այդ փաստաթղթերը թե «Գնումների մասին» ՀՀ օրենքով և

թե գնումների ընթացակարգը կարգավորող այլ իրավական ակտերով Պատվիրատուն նման փաստաթղթեր պահանջելու իրավունք չունի և առհասարակ Հայաստանի Հանրապետությունում նման փաստաթղթեր ոչ մի պետական կամ ոչ պետական հիմնարկ տրամադրելու իրավասություն չունի և չի տրամադրում:

Ըստիև, Պատվիրատուի կողմից ներկայացված տեխնիկական բնութագրում նշված չափանիշները, հակակարտային կայանների արդյունավետ շահագործելու առավելություն չեն կարող տալ և անհասկանալի է թե Պատվիրատուն ինչու է տեխնիկական բնութագրում նշել այնպիսի չափանիշներ, որոնք ոչ միայն սահմանափակում են այլ անձանց մասնակցելու հնարավորությունը, այլև չեն հիմնավորում այդ չափանիշների արդյունավետությունն ու պարտադիր լինելու հանգամանքը:

Ընտրության կողմից Հայաստանի Հանրապետությունում տեղադրվել են հակակարկտային կայաններ (հիմնականում պետական գնումներով), որոնք չունեն այն չափանիշները, որոնք նշված են վերը նշված տեխնիկական բնութագրում, աշխատում են անխափան և ավելի արդյունավետ ու ժամանակակակից են քան այն չափանիշներով հակակարկտային կայանները, որոնք պահանջվում են տեխնիկական բնութագրով:

Եթե Պատվիրատուն կկարողանա համապատասխան փաստաթղթերով հիմնավորել, որ հակակարկտային կայանների՝ տեխնիկական բնութագրում նշված, չափանիշները պարտադիր պայմաններ են և առանց դրանց կամ դրանցից արդյունավետ չափանիշներով արտադրված ոսկանարկտային կայանները, չեն կարող ապահովել այն, ինչը կարող է ապահովել տեխնիկական բնութագրում նշված հակակարկտային կայանները, ապա կարող ենք փաստել, որ Պատվիրատուի պահանջներն իրավաչափ, արդյունավետ ու խիստ անհրաժեշտ են:

Ելնելով վերոգրյալից և հիմք ընդունելով «Գնումների մասին» ՀՀ օրենքի 6-րդ բաժնի պահանջները՝

խնդրում ենք՝

1. Պարտավորեցնել Պատվիրատուին ընդունել նոր որոշում, այն է՝ փոխել թիվ ԼՄՇՀ-ԳՀԱՊՁԲ-19/03 ծածկագրով գնանշման հարցման հանձնաժողովի 14.02.2019թ. թիվ 1 որոշմամբ հաստատված հակակարկտային կայանների տեխնիկական բնութագիրը՝ վերացնելով սույն բողոքի 2-րդ գլխում նշած, ոչ անհրաժեշտ չափանիշները:
2. Կամ չկայացած հայտարարել թիվ ԼՄՇՀ-ԳՀԱՊՁԲ-19/03 ծածկագրով հայտարարված մրցույթի գնման ընթացակարգը:

Կից ներկայացնում ենք՝

1. թիվ ԼՄՇՀ-ԳՀԱՊՁԲ-19/03 ծածկագրով հայտարարված մրցույթի հրավերը,